

Andoe in renga sier Zorzi Emo fo savio dil Consejo, et contradise; et perchè era materia importantissima, el Principe li rispose, dicendo *omnino* era da farli et mandarli poi quando parerà, e questo indolzirà il Papa che desidera molto questo; et introe in la parte con li consieri et Cai di XL. Andò a risponderli sier Lucha Trun; li rispose sier Domenego Trivixan cavalier, procurator, savio dil Consejo. Poi parloe sier Lorenzo di Prioli, fo consier, era da indusiar; li rispose sier Antonio Condolmer, fo savio a terra ferma; et ultimo sier Antonio da Canal, è a le raxon nuove, qual vol l'indusia. Andò la parte: 78 di la parte, 92 di no et fo preso di no. Et per esser cossa importantissima, fo sacramentà el Consejo e ordinato strettissima credenza; et con questo vene Pregadi muto, et molti erano di mala voia.

Et venuto zò Pregadi, a hore zercha 24 *vene lettere di campo, di sier Domenego Contarini provedador zeneral, date a la Volta di là da Menzo sul mantoan, a di 23, ore 2 di note, portate per Zuan Gobo corier*, el qual, nel venir, da alcuni cavali di Mercurio Bua è stà arsaltato et dato la fuga; el qual Mercurio è in Verona. Hor dito proveditor scrive come quella matina, essendo zà aviato lo exercito verso Valezo, ricevette nostre lettere soprastasse a levarsi de l'impresa di Verona, *unde* andò dal capitano zeneral et il governador e non a altri capi, dinotandoli questa lettera; el qual capitano disse non era da ritornar per niun modo, ma andar di longo di là da Menzo et aver uno alozamento, e li starano doman. In questo mezo veriano lettere di la Signoria, et volendo poi l'altro zorno si anderia a Ponte Vigo, si recupereria Axola, che il marchexe zà l'abbandonata e tolto fuori quello à potuto tuor. Et cussì passono a Valezo, et sono venuti quel zorno mia li a la Volta, dove hanno auto vituarie assa' dal marchexe di Mantova. Scrive di le zente lassate in guarda dil visentin e altri lochi, come ho scritto di sopra; et che lui provedador era stà amato di doia di fianco, *tamen, gratia Dei*, stava meo.

155 *Scurtinio di uno exator a le cazude in luogo di sier Hironimo Lion, a chi Dio perdoni.*

Sier Francesco Minio, fo Cao di XL, qu.	
sier Nicolò	49.109
Sier Lorenzo Barbaro, fo cataver, qu.	
sier Antonio	79. 90
† Sier Alvixe Bragadin <i>el grandò</i> qu.	
sier Andrea, fo a le raxon nuove	106.60

Sier Zacaria Bembo, fo provedador a Bassan, qu. sier Francesco	47.123
Sier Andrea Marzelo, fo castelan a Famagosta, qu. sier Fantin	71. 93
Sier Alvixe Soranzo, ch'è exator a le cazude, qu. sier Remisi	59.109
Sier Marco Donado, qu. sier Donado di San Simon Grandò	49.107
Sier Hironimo Avogaro, che fo al conflitto di Brexa, qu. sier Bortolamio	78. 88
Sier Piero Calbo, fo sopragastaldo, qu. sier Zacaria	72. 97
Sier Alvixe Tiepolo <i>el grandò</i> , fo al formento, qu. sier Lorenzo	85. 82
Sier Nicolò Alberto, fo capitano di l'isola di Corfù, qu. sier Zuan dotor	74. 93
Sier Donado Tiepolo, fo sopragastaldo, qu. sier Marco	68. 97
Sier Stefano Lion, fo conte e capitano a Dulzigno, qu. sier Zuanne	62.107
Sier Thomà Donado, fo consolo di mercadanti, qu. sier Nicolò	80. 85
Sier Bernardo Boldù, fo in l'asedio di Padoa, qu. sier Filippo	49.120
Sier Piero Alvixe di Prioli, fo a la camera d'impreddi, qu. sier Giacomo	45.118
Sier Francesco Muazo, fo in l'asedio di Padoa, qu. sier Polo	40.126
Sier Alvixe Barbarigo, fo Cao di XL, qu. sier Antonio <i>el grandò</i>	60.107
Sier Lorenzo Minio, fo provedador a Gradisca, qu. sier Almorò	87. 81
Sier Daniel da Canal, fo a le raxon nuove, qu. sier Piero	89. 79
Sier Alvixe da Molin, fo podestà a Coneian, qu. sier Carlo	47.120
Sier Bernardo Zane, fo cataver, qu. sier Hironimo da San Polo	89. 80
Sier Piero Badoer, fo podestà a Caorle, qu. sier Marco el cavalier	39.127
Sier Andrea Barbaro <i>el grandò</i> , qu. sier Piero da San Lucha	96. 69
Sier Andrea Balbi, fo sopragastaldo, qu. sier Stai	100. 69
Sier Zorzi Loredan, fo provedador sora le camere, qu. sier Marco	77. 88
Sier Fantin Bon <i>el grandò</i> , qu. sier Felixe	54.112
Sier Piero Antonio Marzelo, fo XL zivil, qu. sier Fantin	53.109